

Evening Dogri (NSD) Bulletin

02-01-2026

खास-खास खबरां

- बदेश मंत्री डाक्टर एस. जयशंकर होरें आखेआ ऐ जे भारत गी पूरा अधिकार ऐ जे ओह आतंकवाद खलाफ अपनी हिफाजत करै। उ'नें आखेआ ऐ जे कोई बी भारत गी एहू नेई दस्सी सकदा जे ओह अपनी सुरक्षा किस चाल्ली करै।
- चुनांऽ आयोग ने आखेआ ऐ जे पच्छिम बंगाल च 2010 दे बाद जारी होरनें पच्छड़े तबके सरबंधी प्रमाण-पत्रें गी मतदाता सूचिएं दी बशेश नजरसानी आहली प्रक्रिया दरान पन्धान आहला वैध दस्तावेज नेई मन्नेआ जाहग।
- केंद्र सरकार ने इलेक्ट्रानिक पुर्जे तैयार करने आहली योजना दे त्रीये चरण तैहत तकरीबन 41 जहार 863 करोड़ रुपें दी लागत आहले 22 नमें प्रोजेक्टें गी मंजूरी दिती ऐ।
- भारत ने मुंबई-अहमदाबाद बुलेट ट्रेन परियोजना च इक बड़ी उपलब्धि हासल करदे होई पहाड़ी सुरंग-5 दी खुदाई दा कम्म कामयाबी कन्नै संपन्न करी लैता ऐ।
- मौसम विभाग ने अज्ज दिल्ली, हरियाणा, पंजाब, राजस्थान ते चंडीगढ़ च बड़ी मती धुंध पौने दी भविक्खवाणी कीती ऐ।

<><><><><><>

EAM-Ind Defence

विदेश मंत्री डॉ. एस जयशंकर होरें आखेआ जे भारत आतंकवाद खलाफ अपनी राक्खी करने दा इस्तेमाल करग ते कोई बी एहू नेई दस्सी सकदा ते भारत अपनी राक्खी कियां करदा ऐ। चेन्नई च शास्त्र 2026 आई.आई.टी मदरास टेक्नो एंटरटेनमेंट फेस्ट दे उद्घाटन मौके बोलदे होई उनें आखेआ जे भारत अपनी राक्खी लेई ओह सब किश करग जेहडा लाजमी होग। विदेश मंत्री होरें भारत दी गोआंडी मुल्लें

सरबन्धी नीति गी उजागर करदे होई आखेआ जे लगातार बन्ने पारा आतंकवाद कन्नै सरबन्धें पर माइज्ज असर पेआ ऐ। एहदे कन्नै सद्भावना, पानी दी बंड सरबन्धी संधियां ते होरनें समझौतें सब्ब बेमतलब होई गे न कीजे हिंसा दे कन्नै साथ-सहयोग नेई रेही सकदा। भारत दे व्यापक नजरिये गी उजागर करदे होई जयशंकर होरें वसुधेव कुटुम्बकम दा जिक्र करदे होई आखेआ जे भारत दी विदेश नीति दुनिया गी इक्क परोआर दे तौरा पर दिखदी ऐ। बांगलादेश बारै गल्ल करदे होई विदेश मंत्री होरें बांगलादेश दियां साबका प्रधानमंत्री खालिदा जिया हुंदे खीरी संस्कार लेई हाल च गै ढाका दे अपने दौरे दा जिक्र कीता।

<><><><><><>

ECI-OBC Certificates

चुनांऽ आयोग ने निर्देश जारी कीता ऐ जे पच्छिम बंगाल सरकार आसेआ 2010 दे बाद जारी होरनें पच्छड़े तबकें सरबन्धी प्रमाण-पत्रें गी मतदाता सूचिएं दी बशेश नजरसानी आहली प्रक्रिया कन्नै जुडी दी मसौदा मतदाता सूची च दावें ते ऐतराजें दे नबेडे दरान पन्धान आहला वैध दस्तावेज नेई मन्नेआ जाहगा। एहू गैहू पिच्छले बरें 24 दिसंबर गी कलकत्ता हाईकोर्ट दे ओकडे हुक्म दे बाद पुट्टी गेई ऐ जेहदे च 2010 थमां 2024 दे दरम्यान जारी 113 समुदायें दे होरनें पच्छड़े तबकें आहले प्रमाण-पत्र, कनूनी वैधता पूरी नेई होने करी रद्द करी दित्ते गे हे। चुनांऽ आयोग ने साफ कीता ऐ जे होरनें पच्छड़े तबकें कन्नै ताल्लुक रक्खने आहले लोक योग्य मतदाता न, पर 2010 दे बाद दे उं'दे प्रमाण-पत्रें गी चुनाएं सरबन्धी मामलें च पन्धान जां समुदाय वर्ग दे प्रमाण दे रूप च इस्तेमाल नेई कीता जाई सकदा ऐ।

<><><><><><>

Prez. Chennai

उप राष्ट्रपति सी पी राधाकृष्णकन होरें आखेआ ऐ जे भारत 2047 थमां पैहले विकसित राष्ट्र बनी जाहगा। ओहू अज्ज चेन्नई च डॉ. एम जी आर शिक्षण ते शोध संस्थान विश्वविद्यालय दे दीक्षांत

समारोह गी संबोधत करा'रदे हे। उनें गलाया जे भारत तौले गै विश्व दी त्रीऽ सभनें शा बडुी अर्थबवस्था बनी जाह्ग। उनें छात्रे गी विश्वविद्यालय दी शिक्षा दे बाद गै अपने ज्ञान गी बदांदे रौहने दा आग्रह कीता। उनें आखेआ जे तकनीक नै बडे बदलाव आंदि नं, तां करियै छात्रे गी समे कन्नै अपने आप गी बदलना लोडचदा। उप राष्ट्रपति होरे सर्वश्रेष्ठ प्रदर्शन करने आहले छात्रे गी डिग्री देइयै सम्मानित कीता।

<><><><><><>

PM-Piparhawa

प्रधानमंत्री नरेन्द्र मोदी कल दिल्ली दे राय पिथौरा सांस्कृतिक परिसर च भगवान बुद्ध हुं'दे कन्नै सरबंधत पवित्र पिपरहवा अवशेषों दी भव्य अंतर्राष्ट्री नमैश दा उद्घाटन करडन। इक सोशल मीडिया पोस्ट च श्री मोदी होरे आखेआ जे एह नमैश भगवान बुद्ध हुं'दे महान विचारें गी होर मता लोकप्रिय बनाने आस्तै उं'दी सरकार दी प्रतिबद्धता दे मताबक ऐ। उनें आखेआ जे देश दे युवाएं ते समृद्ध संस्कृति बशकार सरबंधें गी होर सुदृढ करने दा बी इक प्रयास ऐ। प्रधानमंत्री होरे गलाया जे पिपरहवा दे प्रामाणिक अवशेष ते पुरातात्विक सामग्री नमीं दिल्ली दे राष्ट्री संग्रहालय ते कोलकाता दे भारती संग्रहालय दे संग्रह च संरक्षित ना। उनें इनें अवशेषें दी स्वदेश वापसी आस्तै कम्म करने आहले सब्बै लोकें दी सराहना बी कीती।

<><><><><><>

Electronics Components

केंद्र सरकार ने इलेक्ट्रानिक पुर्जे तैयार करने आहली योजना दे त्रीये चरण तैहत 22 नमें प्रोजेक्टें गी मंजूरी दिती ऐ। एहदे च तकरीबन 41 ज्हार 863 करोड़ रुपें दी रास-पूंजी दा अंदाजा ऐ। इनें प्रस्तावें च मोबाइल निर्माण, दूरसंचार, उपभोक्ता इलेक्ट्रानिक, रणनीतिक इलेक्ट्रानिक, ऑटोमोटिव ते सूचना प्रौद्योगिकी हार्डवेयर सने 11एं उत्पादें दा निर्माण शामिल ऐ। इनें परियोजनाएं कन्नै 2 लकख

58 ज्हार करोड़ रुपें दा उत्पादन होने ते प्रतक्ख रूप कन्नै तकरीबन 34 ज्हार नौकरियां पैदा होने दी मेद ऐ। इस मौके उप्पर इलेक्ट्रानिक्स ते सूचना प्रौद्योगिकी मंत्री अश्विनी वैष्णव होरें आखेआ ऐ जे प्रमुख सुधारें गी लागू करना ते उं'दी अमल-आवरी च तेजी आहनना मोदी सरकार दी पन्धान ऐ। श्री वैष्णव होरें उद्योगें गी मुकामी स्रोतें पर ध्यान केंद्रित करने ते आलमी सतह उप्पर मुकाबलेबाजी जकीनी बनाने लेई उच्चे गुणवत्ता मानक बनाई रखने दी सलाह दिती। 2026 गी ऐतिहासिक ब'रा करार दिंदे होई श्री वैष्णव होरें ऐलान कीता जे इस ब'रे सेमीकंडक्टरें दा कारोबारी उत्पादन शुरू करने लेई चार इकाईयां तैयार ना।

<><><><><><>

Jitendra-Technology

विज्ञान ते प्रौद्योगिकी मंत्री डॉ. जितेन्द्र सिंह होरें आखेआ ऐ जे भारत दी विकास यात्रा च तकनीक दी महत्वपूर्ण भूमिका ऐ। मंत्रालय दी ब'रे आहली उपलब्धियें पर नमीं दिल्ली च आयोजित कार्यक्रम च उनें आखेआ जे सरकार 2014 थमां विज्ञान ते प्रौद्योगिकी गी प्राथमिकता देआ'रदी ऐ। डॉ. सिंह होरें गलाया जे देश भविक्ख च तकनीकें ते नमिएं काहडें दे दम पर विकास च आगे बढोग। उनें इब्बी आखेआ जे पैहली बारी कुसै सरकार नै निजी खेत्तर गी बढावा देने आस्तै कोई पैहल कीती ऐ।

<><><><><><>

Year End Reforms

ब'रा 2025 भारत दी विकास यात्रा च इक महत्वै आहला पडाऽ रेआ। इस ब'रे नीतियें गी तरक्की च ते इरादें गी असर च तब्दील होंदे दिक्खेआ गेआ। अज्ज टकोहदी श्रृंखला, सुधारें दा ब'रा च अस्स तुंदे लेई 2025 दरान तकनीकी सैक्टर च भारत दी तरक्की बारै दस्सा करने आं। 2025 च भारत नै बड्डे पैमाने पर निवेश ते संस्थागत सुधारें कन्नै टेकनालजी अपनाने थमां टेकनालजी बनाने बक्खी गैंऽ पुट्टी। इस ब'रे ए.आई सैक्टर च बड़ी मती तरक्की दिक्खने गी लब्बी। हाल च गै स्टैनफोर्ड युनिवर्सिटी दी 2025

ग्लोबल ए.आई वाइब्रेन्सी रैंकिंग च देस त्री थाहै पर पुज्जी गोआ। 2025 च सैमीकंडक्टर ते एडवान्सड मैनुफैक्चरिंग च बी फैसलाकुन प्रगति दर्ज कीती गई। इस बःरै अंतरिक्ष ते रणनीतिक प्रौद्योगिकी च बी महत्वै आहिलयां उपलब्धियां हासल कीती गईयां। इन्दे कन्नोकन्नी परमाणु उर्जा ते साइंस च बी संरचनात्मक सुधार होए।

<><><><><><>

SIT Sabarimala Gold Case

केरल च बशेश जांच दल ने सबरीमला च सुन्ने दी परत चढाने दे मामले च मुख आरोपी उन्नीकृष्णन पोटी थमां इक बारी फही पुच्छगिछ कीती ऐ। उन्नीकृष्णन पोटी, सबरीमाला मंदरै च साबका सहायक पुजारी दे सहायक दे तौर पर कम्म करी चुके दा ऐ। तोआई, केरल हाईकोर्ट आसेआ नियुक्त बशेश जांच दल सबरीमाला मंदिर थमां कथित तौर पर सुन्ने दी परत चढे दे पैनल सने गबन कीते गेदे सुन्ने दे बारै च जांच करा'रदा ऐ। हालांकि भारती जनता पार्टी दे साबका प्रदेश अध्यक्ष के.सुरेन्द्रहन होरें इस मामले दी जांच केंद्री एजेंसियें थमां कराने दी मंग कीती ऐ। उ'नें आरोप लाया जे कांग्रेस इस मामले कन्नै जुडी दी ऐ। उ'नें सोआल पुट्टेआ जे इस मामले कन्नै जुडे दे लोक सोनिया गांधी कन्नै मिलने लेई कि'आं पुज्जी गो।

<><><><><><>

Trump-Iran

अमरीका दे राष्ट्रपति डॉनल्ड ट्रम्प होरें ईरान गी धमकी दित्ती ऐ कि जेगर ईरानी सुरक्षाबलें प्रदर्शनकारियें पर गोलीबारी कीती तां ओह प्रदर्शनकारियें दे समर्थन च आई जाडन। इक सोशल मीडिया पोस्ट च ट्रम्प होरें आखेआ ऐ जे ईरान च जारी अशांति च केई लोक मारे गे ना। ट्रम्प हुं'दी टिप्पणी दा जोआब दिं'दे होई ईरान दे इक वरिष्ठ अधिकारी अली लारीजानी ने चेतावनी दित्ती ऐ कि

जेगर अमरीका ने ईरान दे घरेलू मामलें च दखल दिता तां इसी समूलचे खेत्तर च अस्थिरता आह्मने जनेहा मन्नेआ जाह्मग।

<><><><><><>

Taiwan Prez.

ताइवान दे राष्ट्रपति लाइ चिंग-ते होरें आखेआ ऐ जे चीन दे बधदे विस्तार गी दिक्खदे होई ओह्म अपनी संप्रभुता दी राक्खी करने ते अपनी रक्षा क्षमता गी मजबूत बनाने लेई दृढ संकल्प न। फौजी अभ्यास दे दरान चीन आसेआ ताइवान आह्मली बक्खी रॉकेट दागने दे बाद श्री चिंग हुं'दा एह्म बयान आया ऐ। राष्ट्रपति होरें आखेआ जे अंतरराष्ट्री समुदास ताइवान दे लोकें आसेआ अपनी आत्मरक्षा दे मजबूत धेइये गी दिक्खना चांह्मदे न। उ'नें आखेआ जे राष्ट्रपति दे तौरा पर उं'दा रौं'स म्हेशां साफ रेहा ऐ जे ओह्म राश्ट्री संप्रभुता दी पूरी तगडेयाई कन्नै हिफाजत करडन ते राश्ट्री रक्षा गी मजबूत बनाडन।

<><><><><><>

Ecuador Emergency

इक्वाडोर दे राष्ट्रपति डेनियल नोबोआ होरें 9वें प्रांतें ते त्रै नगर निगमें च 60एं दिनें दी एमरजेन्सी घोशत करी दिती ऐ। एह्म गैह्म, मुल्ख च लगातार बधदी अपराधिक हिंसा करी होआ करदी उथल-पुथल दे मद्देनजर पुट्टी गेई ऐ। राष्ट्रपति होरें आखेआ ऐ जे 60एं दिनें दी एमरजेन्सी लाने दा मकसद हिंसा गी काबू करना ते ओह्मदे च कमी आह्मना ते कन्नै अपराधिक तत्वें गी नकारा बनाना बी ऐ।

<><><><><><>

Vaishnav Tunnel

रेल मंत्री अश्विनी वैष्णर होरें अज्ज आखेआ जे मुंबई-अहमदाबाद बुलेट ट्रेन परियोजना च प्हाडी सुरंग-5 दी खुदाई दा कम्म सफलतापूर्वक संपन्न करी लैता गेआ ऐ ते एह्म इस परियोजना च इक बड्डी

उपलब्धि ऐ। महाराष्ट्र दे पालघर च हाई स्पीड टनल ब्रेक थ्रू प्रोग्राम गी वर्चुअली ढंगै नै संबोधत करदे होई रेल मंत्री होरें दस्सेआ जे इस परियोजना च 7 पर्वतीय सुरंग ते 1 समुद्री सुरंग शामिल ऐ। श्री वैष्णव होरें कल घोषणा कीती ही जे भारत गी अपनी पैहली बुलेट ट्रेन 15 अगस्त 2027 गी मिलने दी मेद ऐ।

<><><><><><>

India Grief Swiss Fire

भारत ने स्विट्जरलैंड च क्रान्सा मोंटाना च अगग लगगने दी घटना पर दुःख जताया ऐ। इक सोशल मीडिया पोस्ट च स्विट्जरलैंड च भारतीय दूतावास ने आखेआ ऐ जे भारत इस दुःखै दी घड़ी च स्विट्जरलैंड ते ओह्दे लोकें कन्नै खडोते दा ऐ। स्विट्जरलैंड च नमें ब'रे दी पूर्व संध्या पर वेलिस केंटाँन दे क्रान्सा मोंटाना स्कींग रिसोर्ट च इक बार च धमाका होने ते अगग लगगने दी घटना च तकरीबन 40 लोक मारे गे ते केई जने जख्मीं होई गेदे ना।

<><><><><><>

CM-Power Tarrif

मुख्यमंत्री ओमर अब्दुल्ला हुं'दे दफ्तरै सोशल मीडिया हैंडल एक्स पर आखेआ जे सरकारै बिजली गी सस्ता रक्खियै लोकें दी भलाई बेहतरी गी पहल देना जारी रक्खे दा ऐ ते दस्सेआ जे 2025-26 ताई जम्मू-कश्मीर आमतौरा पर बिजली कराएं च कोई बाद्दा नेई कीता गेआ ऐ ते ToD बिजन बदलाव दे रौहग। मुख्यमंत्री हुं'दी नुमायंदगी आहले उर्जा विकास मैहकमा पीडीडी नै दस्सेआ जे सरकार जम्मू ते कश्मीर दौनें खित्तें च बिजली दी खपत गी Grant in Aid देइयै राजस्व दे घाटे गी पूरा करोग।

<><><><><><>

CM-Kishtwar Fire

क्वलीफायर होंगन। हॉकी इंडिया दे अध्यक्ष दलीप टिकी हों नलुक्ति प्रक्रिया च तेजी आहनने आस्तै युवा कार्य ते खेडू मंत्रालय ते भारती खेडू प्राधिकरण प्रति आभार प्रगट कीता।

<><><><><><>

Weather

मौसम विभाग नै अज्ज दिल्ली, हरियाणा, पंजाब, ओडिशा, राजस्थान ते चंडीगढ़ च घनी धुंध पेशगोई कीती दी ही उत्थे गै अगले त्रऊं दिनें तगर बिहार, हिमाचल प्रदेश, जम्मू-कश्मीर, लद्दाख, गिलगित-बाल्टिस्तान ते मुजफ्फरबाद च बी घना कोह्ला छाए दे रौहने दी बी मेज जताई ऐ। उत्तर प्रदेश, उत्तराखंड, पश्चिम बंगाल, सिक्किम ते उत्तर-पूर्वी राज्यों च बी इसै चाल्ली दी स्थिति 6 जनवरी तगर बने रौहने दी मेद ऐ। तोआई, तमिलनाडु, पुदुचेरी ते कराईकल च अज्ज रातीं बिजली कड़कने दी संभावना ऐ। दिल्ली - राष्ट्रीय राजधानी क्षेत्र च हवा गुणवत्ता खराब श्रेणी च दर्ज कीती गई ऐ।

<><><><><><>